

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10) na prijedlog Ministarstva unutrašnjih poslova, Vlada Zeničko-dobojskog kantona, na 8. sjednici, održanoj dana 06.06.2019. godine, d o n o s i

ZAKLJUČAK

o davanju saglasnosti na Pravilnik o izmjenama i dopunama Pravilnika o unutrašnjoj organizaciji Ministarstva unutrašnjih poslova Zeničko-dobojskog kantona

I.

Daje se saglasnost na Pravilnik o izmjenama i dopunama Pravilnika o unutrašnjoj organizaciji Ministarstva unutrašnjih poslova Zeničko-dobojskog kantona, broj: 08-01-02/2-02-1-2022-1/19 od 21.05.2019. godine.

II.

Zadužuje se Ministarstvo unutrašnjih poslova Zeničko-dobojskog kantona da pet potpisanih i ovjerenih primjeraka Pravilnika iz tačke I ovog zaključka dostavi Stručnoj Službi Vlade radi ovjere saglasnosti, nakon čega će se jedan primjerak dostaviti Ministarstvu za pravosuđe i upravu, jedan primjerak Sekretarijatu za zakonodavstvo, dva primjerka Ministarstvu unutrašnjih poslova, a jedan primjerak će zadržati Stručna služba Vlade.

III.

Zaključak stupa na sugu danom donošenja.

Broj: 02-_____/19
Datum, 06.06.2019. godine
Z e n i c a

PREMIJER

Mirza Ganić

DOSTAVLJENO:

1x Ministarstvo unutrašnjih poslova,
1x Stručna služba Vlade,
1x Ministarstvo za pravosuđe i upravu,
1x Sekretarijat za zakonodavstvo,
1x a/a.

PRIJEDLOG

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO UNUTRAŠNJIH POSLOVA
MINISTARSTVO UNUTARNJIH POSLOVA
Z E N I C A

P R A V I L N I K
O I Z M J E N A M A I D O P U N A M A P R A V I L N I K A
o unutrašnjoj organizaciji Ministarstva unutrašnjih poslova
Zeničko-dobojskog kantona

Zenica, 2019. godine

Na osnovu člana 52. stav 1. tačka 2) i člana 63. stav 4. Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine", broj: 35/05), člana 15. Zakona o unutrašnjim poslovima Zeničko-dobojskog kantona ("Službene novine Zeničko-dobojskog kantona", broj: 13/18 i 6/19) i člana 8. stav (1) tačka a) Uredbe o načelima za utvrđivanje unutrašnje organizacije kantonalnih i općinskih organa uprave i upravnih organizacija ("Službene novine Zeničko-dobojskog kantona", broj: 8/06), ministar Ministarstva unutrašnjih poslova Zeničko-dobojskog kantona, uz saglasnost Vlade Zeničko-dobojskog kantona, d o n o s i:

P R A V I L N I K
O I Z M J E N A M A I D O P U N A M A P R A V I L N I K A
o unutrašnjoj organizaciji Ministarstva unutrašnjih poslova
Zeničko-dobojskog kantona

Član 1.
(Dopuna člana 4.)

U Pravilniku o unutrašnjoj organizaciji Ministarstva unutrašnjih poslova Zeničko-dobojskog kantona broj: 08-01-02-1-4-7/19 od 01.02.2019. godine, u članu 4. stav (2) iza riječi "radna mjesta" dodaju se riječi "savjetnik ministra za unutrašnje poslove,"

Član 2.
(Izmjena člana 10.)

- (1) U članu 10. stav (1) broj "254" zamjenjuje se brojem "255".
- (2) Iza stava (1) dodaje se novi stav (2) koji glasi:
"(2) Ukupan broj sistematizovanih radnih mjesta savjetnika ministra je 1."
- (3) Dosadašnji stavovi (2) i (3) postaju stavovi (3) i (4).

Član 3.
(Izmjena člana 11.)

(1) U članu 11. tabelarni pregled radnih mjesta izvan organizacionih jedinica u sastavu Ministarstva, mijenja se i glasi:

"1. RADNA MJESTA IZVAN ORGANIZACIONIH JEDINICA U SASTAVU MINISTARSTVA

Red. broj	Radno mjesto	Školska sprema	Broj izvršilaca	Status
1.	Savjetnik ministra za unutrašnje poslove	visoka stručna sprema	1	savjetnik rukovodioca organa
2.	Sekretar Ministarstva	visoka stručna sprema	1	DS
3.	Viši referent - tehnički sekretar	SSS	1	N

4.	Viši referent - vozač	SSS	1	N"
----	-----------------------	-----	---	----

(2) U tabeli na strani 21. u koloni organizaciona jedinica Ministarstvo izvan organizacione jedinice, u koloni broj izvršilaca, broj "3" zamjenjuje se brojem "4", u koloni Ministarstvo Ukupno u koloni broj izvršilaca broj "3" zamjenjuje se brojem "4", a u koloni UKUPNO broj "254" zamjenjuje se brojem "255".

Član 4.

(Izmjena člana 12.)

U članu 12. stav (2) tačke 2. i 3. zamjenjuju se tačkama 3. i 4.

Član 5.

Iza člana 13. dodaje se novi član 13 a. koji glasi:

"Član 13a.

(Savjetnik ministra za unutrašnje poslove)

(1) Savjetnik ministra za unutrašnje poslove prati stanje i savjetuje ministra u pogledu izvršavanja zakona i drugih propisa iz oblasti unutrašnjih poslova koji su u nadležnosti ministra Ministarstva; prati izvršavanje poslova utvrđenih u programu rada Ministarstva; zajedno sa ministrom razmatra pitanja od značaja za rad Ministarstva i predlaže moguća rješenja; pruža savjetodavnu pomoć ministru u vezi sa stručnim usavršavanjem i osposobljavanjem zaposlenika Ministarstva; pomaže ministru u pripremi za sjednice Vlade i Skupštine Kantona; učestvuje u pripremi sastanaka koje organizuje ili kojim prisustvuje ministar i upoznaje ga sa stanjem u oblasti koja je tema sastanka; zajedno sa ministrom prisustvuje sastancima kada ministar odredi; savjetuje ministra u vezi sa javnim istupima i obavještanjem javnosti o radu Ministarstva; vrši i druge poslove koje mu odredi ministar; za svoj rad odgovara ministru Ministarstva.

(2) Uslovi za obavljanje poslova radnog mjesta savjetnika ministra za unutrašnje poslove: Visoka stručna sprema, najmanje VII stepena, odnosno visoko obrazovanje prvog (najmanje 240 ECTS bodova), drugog ili trećeg ciklusa bolonjskog sistema studiranja - kriminalističke ili druge društvene struke, položen stručni ispit, poznavanje rada na računaru, najmanje 5 godina radnog staža u struci.

(3) Broj izvršilaca na radnom mjestu savjetnik ministra za unutrašnje poslove: 1 (jedan).

(4) Savjetnik ministra za unutrašnje poslove nema status državnog službenika."

Član 6.

(Dopuna člana 17.)

U članu 17. stav (2) i (3) iza riječi "ministar" dodaju se riječi "savjetnik ministra za unutrašnje poslove".

Član 7.

(Stupanje na snagu)

Ovaj Pravilnik stupa na snagu danom davanja saglasnosti Vlade Kantona.

Broj: 08-01-02/2-02-1-2022-1/19

Datum: 21.05.2019. godine

MINISTAR

Dario Pekić

Na ovaj Pravilnik data je saglasnost Vlade Zeničko-dobojskog kantona Zaključkom broj:

_____/19 od _____ 2019. godine.

SEKRETAR VLADE

po ovlaštenju

Haris Hrgić

O B R A Z L O Ž E N J E

PRAVNI OSNOV ZA DONOŠENJE

Pravni osnov za donošenje Pravilnika o izmjenama i dopunama Pravilnika o unutrašnjoj organizaciji Ministarstva unutrašnjih poslova Zeničko-dobojskog kantona sadržan je u članu 52. stav 1. tačka 2) Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine", broj: 35/05) i članu 15. Zakona o unutrašnjim poslovima Zeničko-dobojskog kantona ("Službene novine Zeničko-dobojskog kantona", broj: 13/18 i 6/19) kojim je propisano da Pravilnik o unutrašnjoj organizaciji donosi ministar uz saglasnost Vlade Zeničko-dobojskog kantona

RAZLOZI ZA DONOŠENJE

Donošenje Pravilnika o izmjenama i dopunama Pravilnika o unutrašnjoj organizaciji Ministarstva unutrašnjih poslova Zeničko-dobojskog kantona (u daljem tekstu: Pravilnik o izmjenama i dopunama Pravilnika) uslovljeno je potrebom utvrđivanja radnog mjesta savjetnika ministra za unutrašnje poslove koje nije utvrđeno u Pravilniku o unutrašnjoj organizaciji Ministarstva unutrašnjih poslova Zeničko-dobojskog kantona broj: 08-01-02-1-4-7/19 od 01.02.2019. godine (u daljem tekstu: Pravilnik o unutrašnjoj organizaciji).

Iz naprijed navedenog razloga Vladi Zeničko-dobojskog kantona predlaže se davanje saglasnosti na predloženi tekst Pravilnika o izmjenama i dopunama Pravilnika.

OBRAZLOŽENJE PRAVNIH RJEŠENJA

Član 1. Pravilnika o izmjenama i dopunama Pravilnika

U članu 4. stav (2) Pravilnika o unutrašnjoj organizaciji propisana su radna mjesta u Ministarstvu, izvan organizacionih jedinica, a kako je i radno mjesto savjetnika ministra za unutrašnje poslove izvan organizacionih jedinica Ministarstva, u članu 1. Pravilnika o izmjenama i dopunama Pravilnika dodato je i to radno mjesto.

Član 2. Pravilnika o izmjenama i dopunama Pravilnika

U članu 10. stav (1) Pravilnika o unutrašnjoj organizaciji povećan je ukupan broj sistematizovanih radnih mjesta u Ministarstvu za jedno radno mjesto zbog utvrđivanja novog radnog mjesta - savjetnika ministra za unutrašnje poslove. Dodat je i novi stav (2) kojim je propisan ukupan broj sistematizovanih radnih mjesta savjetnika ministra, a slijedom ove dopune propisano je da dosadašnji stavovi (2) i (3) mijenjaju numeraciju.

Član 3. Pravilnika o izmjenama i dopunama Pravilnika

U članu 11. Pravilnika o unutrašnjoj organizaciji, u tabelarnom pregledu radnih mjesta izvan organizacionih jedinica u sastavu Ministarstva i tabelarnom pregledu organizacionih jedinica sa ukupnim brojem izvršilaca u organizacionim jedinicama, izvršene su dopune i izmjene dodavanjem novog radnog mjesta i povećanjem broja izvršilaca u odgovarajućim

kolonama. Normiranje na ovaj način izvršeno je radi bolje preglednosti i buduće praktične primjene Pravilnika o izmjenama i dopunama Pravilnika.

Član 4. Pravilnika o izmjenama i dopunama Pravilnika

U tabelarnom pregledu iz člana 11. zbog dodavanja novog radnog mjesta promijenjen je redosljed radnih mjesta, pa su dosadašnja radna mjesta u članu 12. stav (2) tačke 2. i 3. sada radna mjesta pod tačkama 3. i 4.

Član 5. Pravilnika o izmjenama i dopunama Pravilnika

U članu 13. Pravilnika o unutrašnjoj organizaciji propisano je rukovođenje Ministarstvom i ovlaštenja ministra, a članom 26. stav (1) Uredbe o načelima za utvrđivanje unutrašnje organizacije kantonalnih i općinskih organa uprave i upravnih organizacija ("Službene novine Zeničko-dobojskog kantona", broj: 8/06) propisano je da se radno mjesto savjetnika rukovodioca kantonalnog organa uprave utvrđuje izvan sistematizacije radnih mjesta, iza radnog mjesta rukovodioca organa uprave.

Iz navedenih razloga, u Pravilniku o izmjenama i dopunama Pravilnika iza člana 13. dodaje se član 13a. kojim se utvrđuje radno mjesto savjetnika ministra za unutrašnje poslove.

U članu 13a. stav (1), (2), (3) i (4) propisan je naziv radnog mjesta savjetnika ministra za unutrašnje poslove, opis poslova, uslovi za obavljanje poslova radnog mjesta i broj izvršilaca, te da savjetnik ministra za unutrašnje poslove nema status državnog službenika. U pogledu stepena školske spreme, potrebnog radnog staža, položenog stručnog ispita i poznavanja rada na računaru, za radno mjesto savjetnika ministra za unutrašnje poslove, propisani su isti uslovi koji su u Pravilniku o unutrašnjoj organizaciji propisani za pomoćnika ministra.

Član 6. Pravilnika o izmjenama i dopunama Pravilnika

U članu 17. stav (2) i (3) Pravilnika o unutrašnjoj organizaciji propisan je sastav Stručnog kolegija gdje je dodato i radno mjesto savjetnika ministra za unutrašnje poslove.

POTREBNA FINANSIJSKA SREDSTVA

Provođenje Pravilnika o izmjenama i dopunama Pravilnika o unutrašnjoj organizaciji Ministarstva unutrašnjih poslova Zeničko-dobojskog kantona neće rezultirati fiskalnim posljedicama na Budžet Zeničko-dobojskog kantona za 2019. godinu.

MINISTAR

Dario Pekić